

鉅
水
齋
詩
集

餅水齋詩集卷四

大興舒位立人

元默困敦

紅豆

一點靈犀九轉丹天長地久別離難碧紗籠外塵皆積玉唾
壺中淚未乾紅入杏花空自鬧青指梅子可曾酸不知把酒
東風者種出雙雙若箇看

憶得東禪寺裏期安牀鎮日坐相思華年冉冉春如海芳樹
陰陰子滿枝林外不收金作彈局中肯信玉爲碁銷魂斗帳
明珠夜殘夢迷離獨去時

愁絕仍將險韻拈比紅詩寄綵豪尖花開寂寞逃禪地人在
玲瓏記曲簾不惜珊瑚盈尺碎臘教楊柳一聲添夜深誰誦

吳都賦卻背銀缸啟玉奩

夙世王維入夢遙
秋風南國最無憀
啄殘鸚鵡三珠樹
開出枇杷萬里橋
井底眼花狂客賀
門前心事路人蕭
烟波十四松陵曲
一例紅情諡洞簫

上元詞

遲作今年十日春
東風閒殺紫姑神
相邀一局天公戲
輸卻瀛洲萬玉塵

十三已過上鐙期
雪未全消月到遲
試問春寒誰管領
梅花八十一胭脂

辛苦江關作寓公
兩年瞥眼試鐙風
那知太乙青藜杖
不在銀花火樹中

語兒中涇春水吹
杉青牖口櫂歌回
不知鐙火樓臺上
今夜

開窗是阿誰

築軒太令贈裘

去年北風吹不休主人贈我青羔裘酒酣以往不忍著卻向
黃竹箱中收今年東風射春箭花凍紅燈上元宴飛落鴛鴦
雙翦刀牽雲曳雪重相見平生讀書愛五更往往風雨聞雞
鳴曉寒不向夢中賦媿此一尺銀鐙紫黑貂已做長安道十
丈紅塵不能埽綵筆空題白練裙儂歌自唱黃絲襖殷勤鶴
氈來君家主是烏衣客絳紗一身仙骨冷於鐵開出萬朵青
蓮花主人之裘有時做主人之情永勿替以詩報君非感恩
君不見緇衣詠爲風綈袍重其意

玉女四首

玉女由來住玉京傾城消息步虛聲三更風雨披衣坐九點

山川侍笈行會向瑤臺看種樹不隨銀漢恨吹笙上元寶籙
分明在統領青腰十萬名

雲車風馬恨來遲清淺蓬萊又幾時縹緲姻緣懷北燭真靈
圖業在西池紫蘭宮靜翮歸妹青綺窗開瞥見兒好待碧桃
花放後三千鳳紙寫相思

五夜風窗色界天南飛鳥鵲自年年親從丹篆通仙籍欲向
黃姑貰聘錢作記張華矜博物題詩郭璞愛遊仙不因一餉
投壺戲玉齒何由得粲然

龍谿新撰紫陽銘再拜傳言阿母聽秦贅得邀吹笛史齊諧
應記渡河星洗頭翠嶂三生石叩齒黃庭一卷經癡絕玉皇
香案更不知卻扇是坤靈

夜雨卽事

水鳥呼春夢微茫入夜分一鐙低作影五鼓濕初聞瑟瑟窗
間竹溶溶屋角雲來朝晴未可穿眼望東君

胡石齋丈見示歲莫雜詩八首皆用拙韻因再疊前韻
題其後

情真不厭深詩好不厭讀傳來夜坐名譜作春寒曲芳序有
炎涼清謠無斷續誠子箕與裘懷弟河及岳看囊雖涇錢韞
匱猶藏玉吟壇似債臺歲晚催紛屬險韻夫如何澆以杯中
綠

二月一日雨晴作歌

北方之水歲壬子白龍掉尾行不止日月依然天上行但隔
浮雲萬重耳浮雲作雨雨作泥下界茫茫雙屐齒春人擁褐
坐春寒一寸春愁一尺水今朝睎髮陽之阿圓君浴出扶桑

紫譬如久別乍相逢瞥見還疑仍熟視芳草都從階溜生宿
鶯微隔林烟起須臾簾影蕩玲瓏傲裝從此無情矣乃知醉
醒各有時陽舒陰慘天長枝況復今年是閨年爲想東皇非
得已怕教人世得春多苦將一雨來相抵豈知九十正堂堂
請作新年今日始

還家日戲呈陳髯

去築逍遙館來尋繾綣司一塵仙謫早三索妹歸遲問字寧
無酒催收但有詩殷勤雙翠羽此意定教知

丁受五廣文招同唐靖川皇甫仲和兩孝廉錢履巷秀
才過石佛寺早飯作

六代莊嚴地三生歡喜緣況當良友會復此好春天幽興扁
舟外長齋繡佛前吾儕似鷗鳥數點逐谿烟

落葉西風海曾逢老衲家空山一瓢酒流水兩年華草長纔
通屐林菲漸著花恨無題壁字眷眷碧窗紗

花生日詩魏塘道中作

等到東風第幾番買絲來繡護花幡平生耻作公家語但爲
花神撰壽言

啼鶯如夢送歸艍月子平分夜未央願取鴛鴦湖裏水釀成
春酒寄花嘗

雨落風開事偶然青春初度有情天無因細算花年紀今日
分明又一年

南湖歸舟漫興

倚棹江湖接太虛洞簫聲裏月來初者回風信帆無恙徹底
春愁水不如兩槳綠驚灘下犬一銜青唱夜深漁到家已是

三夏後手自敲門問卜居

再贈陳髯

華陰居士古陳搏手弄梅花過歲寒半世雄心磨劔具一鐙
老眼借書看登山臨水年年別嫁女昏男事事難賴有水天
閒話在詩情迢遞酒杯寬

石門夜泛至六里橋雷雨泊船

玉女三夏咲電開一篙短夢醒春雷不嫌艇子匆匆泊得傍
桃花淺處來

橋南寒食一絲風細雨經時過社公明日到家晴便好爛泥
還有路三弓

采桃花曲

夾岸多芳樹東風繫釣家流入歌水調春網落桃花我卜邨

南宅來浮舍北查邾勝劉子驥遠際訪紅霞

家近桃花岸人開竹葉扉折枝香一手渡水燕雙飛雨漲青銅鏡風吹白袷衣中流迴素舸絕似采蓮歸

秦二世以後宮殉葬始皇於驪山事見史記夜讀杜牧之阿房宮賦偶作一詩

咸陽宮殿卷衣裳寶鏡曾開六國妝萬里山河鶉首醉二陵風雨鮑魚香翠華有路巡東海黃土無情近北邙三十六年不得見翻從地下識君王

宋昭儀王清惠者隨元兵北去題滿江紅詞於驛壁有從容圓缺之句文丞相見之歎曰夫人於此少商量矣乃用其韻代作二闕詞竝載徐虹亭叢談中余讀文山詞絕佳益不能不爲昭儀惜也

邊月分明別調彈樂昌破鏡不成團南來漢使蛾眉老北去
蕭娘細馬寒識字早知憂患始做人何止笑啼難曲終會有
湘靈瑟那署冲華乞女冠

荆棘銅駝夢又成美人消息出傾城兩宮華髮應憐妾三日
春潮解避兵丞相黃冠揮手事將軍碧血斷腸聲

岳鄂王滿江紅詞亦

紅白薔薇花歌用昌黎山石詩韻

綠垣青粉雙薔薇東風開簾蝴蝶飛我坐看紅復看白楊花
輕薄桃花肥少游醉臥古藤下得句無力春雨稀遺山先生
絕標格比若季女悲朝飢獨賞芭蕉與梔子詩家一徑爭雙
扉那知撚髭各有得硬語不礙清言罪我吟秦詩用韓韻聊
與二公爲解圍矧此花枝本殊絕豈獨兒女俱熏衣薦之少

府事太俗品以野客才不羈遮貧若能買一咲吾微此花誰
與歸

楊花詩

歌殘楊柳武昌城撲面飛花管送迎三月水流春太老六朝
人去雪無聲較量妾命誰當薄吹落鄰家爾許輕我任天涯
最飄蕩看渠如此不勝情

觀演長生殿樂府

一飯張巡妾三秋織女星他生原未卜此曲竟難聽羯鼓催
鼙鼓盤鈴換關鈴青山啼杜宇何處雨冥冥

奉詔慙高頰題詩怨鄭叟佛堂埋玉樹仙海寄金鈿客唱霓
裳序人輸錦鞵錢江南花落後重見李龜年

白髮談天寶琵琶喚奈何未應來赤鳳從此老青蛾楊柳詞

成讖梨花淚更多至憐湯殿水兵馬洗天河

酒綠燈紅夜春風舞一場亂離唐四紀優孟李三郎國事休
回首詩篇說斷腸誰知新舊史多爲郭汾陽

一聲

一聲銅斗喚揚舲六曲銀環看掩屏朝鏡家山愁外綠夜船
燈火夢中青微暄天氣衣應減乍別情懷酒未醒曾是三層
樓上坐玉笙吹徹與誰聽

寄懷女牀山人

傾城消息記秦樓卻扇詩成一顧羞最好風光前四月梅花
燈下看梳頭

三間茆屋數家邨流水年年綠到門買得扁舟風似葉落帆
聲裏近黃昏

愛聽新聲白紵歌
玉笙吹處隔銀河
夜深別奏歸風曲
紅燭遮簾喚奈何

玉釵敲枕憶眠時
翠斂雙蛾避侍兒
定有鎰花成遠夢
不知紅豆是相思

月夜出鄉思橋

霜月一天濶烟波
兩岸收誰憐
今夜夢忽起
故鄉愁橋影
帆初落鐘聲水自流
有人吹短笛
知倚幾重樓

南塘

南塘秋盡夜如年
蟹舍漁莊路渺然
殘月曲隨三汊港
橫風分送兩來船
篋中翡翠成相憶
湖上鴛鴦咲獨眠
侵曉泊舟何處寺
一聲鐘散萬塵緣

陳序璜明經屬題其母氏遺詩

一朶慈雲一卷詩清才苦節兩傳之他年若乞徐陵序朱鳥
青牛總未知

生男作客半如無

集申

此語淒涼眼欲枯忍把浮名輕換了

雌雄三卷孝經圖

石門縣齋喜晤彭樗亭同年璇卽送之淮南

曾踏紅塵舞柘枝重來狎恰有相思兩年風雨分南北一鏡
鬚眉照別離今夜如逢習主簿前身豈是杜分司扁舟未便
相留苦東閣西亭正要詩

橫塘

葉落橫塘有逝波畫船猶唱采蓮歌
洛吳人去春風老破楚
門荒暮雨多此地煙花非玉樹
向來麋鹿是銅駝
君王自忘
三年話不爲傾城怨
苾蘿

舟行望虞山

遠際芙蓉翠似鬢孤舟相對露孱顏碧雲欲合天將暮秋氣
當悲客未還萬點寒鴉歸落葉四圍流水抱空山孟嘉正有
登高與風雨重陽肯破慳

五人墓下作

殘碑一丈字猶丹落日山塘拂蘚看慷慨何殊酬國士倉黃
無那惱中官狗屠血濺三關熱馬鬣封流一水寒回首西山
魂魄餒碧雲何處葬衣冠

太湖歸舟聽雨

黃昏放棹行回首暗重城天地正秋色江湖多雨聲水窗燒
燭短斷岸入烟平長嘯懷漁父蘆花萬點情

雨夜懷唐六稚川

葭露中央夢有無依然秋句點江湖折殘樂府水楊柳啼殺
澤家山鷓鴣門外綠橫三尺淺窗中青翦五更疎故人倘憶
潮來夜楓落吳江舊酒壚

拄杖西堂雨厭看卷簾消息別離難黃花三徑暮烟瘦落葉
半牀秋夢乾吟蟀衣裳催謝絮撲螿庭院避齊紈不知白石
山中客曾與詩人一搯酸

稚川嘗作夢遊羅浮歌頗有所指今其稿尚存僕處夜
分檢笥重爲循覽戲作一詩題後寄還之

曾向朱陵叩玉妃峭帆離合是耶非男昏女嫁青山咲月黑
花深翠羽飛笛裏長歌當一曲酒邊閒夢記雙扉分明遷客
龍城錄細字蠶眠寫不肥

題韓偓香奩集

早傳鸚鵡是郎君三日吟來齒尚芬似此傷春復傷別人間
不止杜司勛

紅箋小疊寄天涯挽力偏難草白麻若使當年眞作相箇詩
何異宋梅花

書屈賈列傳

夜讀離騷心惻惻又觀賈生長太息美人香草怨如何斜日
寒林看不得左徒太傅自孤忠一片丹心異代同宣室鬼神
虛半夜洞庭木葉對西風楚宮漢殿容明哲寵任曾居大夫
列積薪且欲圖久安樹蕙何曾傷萎絕一自蛾眉謠諫來賦
成鵬鳥總堪哀三年謫宦徒爲爾五日招魂安在哉洛陽年
少高陽齋辭令何如治安計怨深休恨楚懷王恩薄猶憐漢
文帝君不見長風萬里大江橫波浪兼天我舊經屈子行吟

謝水齋詩集卷四
賈子哭千秋併作斷腸聲

昭陽赤奮若

出門

出門何惘惘，辦裝亦每每。生此離別天，觸彼功名壘。功名未可知，離別乃現在。在山馬彳亍，在水船欵乃。行行重行行，采采復采采。柴門月上時，歸夢遙相待。

平望

七十二峯青春風，吹洞庭水連平望。驛人到垂虹亭，折去千絲柳。浮來一點萍，吳歛聲更苦。今夜最難聽。

曉出澣墅午次錫山驛與唐靖川表兄作

夜登北濠舟，朝出南望路。船底春水生，船背春風度。孤帆破空來，二客高眠去。夢醒雜市喧，知近梁谿渡。青飄酒一旗，紅

倚墻雙樹蒼然見，惠山尚如故憶此山之麓往還不知
數著屐慳無期倚棹虛有慕雖得放眼看毋乃當面錯叶昔
聞禽與向五嶽遊勿顧爾我豈異趨一山惜百步不作已然
悔所懼未來誤願聽迴颿擲直入山深處寄聲秋爲期茲言
倘不負

渡江

春水一江流，春山江上浮。我船翦江去，白浪打船頭。海色遠
相接，鐘聲高未收。落帆齊著力，指點到瓜洲。

夜抵邗關戲成

甯種芍藥花，莫贈楊柳枝。明明二十四橋月，曲中一折長相
思。勿相思，且相送。舟搖搖，水花動。關門不放夜行船，要鎖春
愁稅春夢。

高郵懷秦太虛

微雲衰草豔相傳，淮海風流五百年。
眼底酒杯誰解唱，古來門巷總堪憐。
三生桃葉論長恨，萬里藤花怨左遷。
我掉扁舟弄明月，思君三十六湖邊。

渡河

昨向淮南泊，微風送綠波。
今從江北望，斜日渡黃河。
浪卷中流白，花開隔岸多。
回頭謝舟楫，載我幾番過。

魚溝

拂面緒風吹蒼然，暮色來亂鴉。
逢樹定荒店，望塵開鋸火。
雙車轍河山，一酒杯相思。
能幾寸量，徧軟紅灰。

宿郟城大風雨作

輝輝霍霍電光駛，霹靂一聲割龍耳。
長風負雲雲下垂，俄而

春山四面青麥子田分高下岸野花香闌短長亭銷魂昨夜
青駝寺猶是繩牀枕手聽

蒙陰道上花朝有寄

白馬踏青草征人行太早車中聽鳴雞林際遲飛鳥好風何
處來記取百花開樓閣怨復怨關山歸未歸關山望無極樓
閣空消息花落又花開相思不相識私札寫春寒長途惜夢
殘何須怨離別且自報平安

重過泰山作

一山忽當前衆山皆在後未至嚮我心既至頰我首轟轟南
天門呼吸帝左右春迷九點烟海瀉一杯酒當年策青駒衣
短笠伊糾豈意及五稔再向此山走昔往雨霏霏今來萬楊
柳悵然感時物行役亦永久欲尋向所欣俯仰了無有岱宗

夫如何我懷杜陵叟

泰安道中絕句

遺橐誰求封禪書
千秋猶陋馬相如
如何袞袞咸平相
不及孤山處士逋

碧霞宮殿望崔嵬
海日扶桑曙色開
一朶山桃花插鬢
側輪車上進香來

石子玲瓏當路生
轂三十輻感長征
明朝去宿開山廟
直指平原縣裏行

平原顏魯公祠

范陽飛牒事情乖
萬里風雲入壯懷
帝識李平馳間道
天留元結與磨厓
綵豪氣象書應透
青石功名跡未埋
曾讀唐書新舊傳
四朝遺淚爲公揩

自德州趨劉智廟

行過浮橋落照銜荒邨一簇指松杉田間白屋多因樹天際
黃河遠見帆妓老琵琶猶解唱客飢粗糲亦供饑綠稠漸有
還鄉夢畫角聲聲到枕函

徹夜

徹夜風聲撼紙窗石家蠟燭影幢幢同槽齏草憐疲馬隔院
飛花感吠尤薄倖名非十年杜銷魂賦有六朝江相逢可要
青團扇與畫乘鸞霧一雙

蘆溝橋行

蘆溝橋來去路舉子忙關吏怒青袍中央坐龕官兩廊吏役
圍春寒公車歷碌止橋側一一呈取文書看彼官肉食不識
字以目上下僞作觀衣裳在笥書在腹公雖無稅私有然爲

言客囊久羞涸恰有二百青銅錢供君一飽如律令君其努力頻加餐

試禮部者譏而不征其索錢每以飯食爲名

龔官覘錢如未足買菜拾

矢再三瀆增之一分咲口開車聲隱隱過橋來

書家書尾

我向長安咲真成舞一場杏花空自鬧燕子爲誰忙要在孫山外何時錦瑟傍且尋湖上棹七十二鴛鴦

不解留春住惟應近夜來音塵千里隔鎧火十年猜尚有泥金夢爭知抱玉回願卿藏斗酒百罰就深杯

張尚之秀才與余別於揚州蓋三年矣比來京師相見甚歡而余適當南下祇可作一夕話耳

綠楊城郭赤欄橋江北江南入望遙一夕秦觀逢把酒三年韓綽記吹簫曾無白鶴騎春夢祇有黃雞唱早朝今夜懷人

芳杜若青鏗相對續離騷

神仙富貴兩相違
惟見緇塵染素衣
蕩子真成行不得
故人恰與送將歸
浮萍春水前身想
行李秋風後會稀
若向真心問消息
本來長住是禪機

別靖川

花落聽無聲
匆匆唱渭城
與君俱失意
此別最關情
歧路紅塵合
高堂白髮生
淹留吾未敢
襤被重行行

出都贈宋左彝助教

我初擊筑黃金臺
紅塵袞袞悲風來
酒徒酣眠美人老
十年意氣狂歌摧
燕南陲與趙北際
不合中間大如礪
泊鳳飄鸞太等閒
呼牛應馬真容易
竭來忽憶江南春
江南梅花愁殺人
可憐三疊一杯酒
安得四角雙車輪
車輪迢迢碾清夢
杯

酒遲遲宥相送豈無短髣重踟蹰幸有微吟相狎弄風流宋
玉誠吾師千冰萬雪邀題詩辛苦何須怨行路蕭條猶幸生
同時君不見高堂明鏡關山月朝如青絲暮如雪願從鳥鳥
乞私情不爲駟駒傷遠別雲白山青萬里心西湖南湖相與
深北堂萱草年年綠掩耳不聞遊子吟

酬鐵雲

宋大樽

人生行樂無處無不遇詞客須酒徒悠悠行路忽兼此客
愁如雪消紅鑪君家舊日住江左風流前輩心追摹作詩
耻落天寶後蒼茫獨立心踟蹰抑塞磊落更誰拔高才無
乃驚腐儒有時橫笛竹俱裂非醒非醉非歡娛秋風吹作
燕市客紙貴何止鈔三都五更愁聽屋上烏遊子去去百
不須錢在杖頭書在腹但跨風雪橋邊驢疎狂不信世無

兩握手我已作前驅踏冰忍凍欲登岱僕夫面叱僮歎吁
君歌我擊節我飲君挈壺得句無吏來催租有郵便有黃
公廬長途難得君與吾悠然縱壑兩巨魚回首邑邑閉幔
車三日新婦難展舒今此不樂何爲乎

三家店

卽三角定

店名誤三家客夢爭一宿歌者倚市門君子在板屋爲言且
勿歌歌長不當哭彼若罔聞知向客再三瀆或彈伎人箏或
擊酒徒筑塲面而鳩舌皇然賊耳目客誠無計施回首屢顧
僕僕云阿堵物與之則不復且上李斯書不障祖約籠持錢
出門去四座罷絲竹

雄縣見月

昔作騎驢客東風吹我衣重來楊柳落此去鷓鴣飛野店新

開酒荒城舊合圍不知今夜月幾見遠人歸

趙北口曉行

東方沉沉天欲白落月殷勤送行客寒鴉已起道旁柳瘦馬
初登橋上石車中人兮孤夢醒隔店惟見疎鐙青心知此地
是燕趙悲歌慷慨吾曾經前年去時春尚早去年來時秋已
老今年歲晚北風寒行色匆匆失昏曉問君襪被來何避長
亭短亭君不知流水淒烟杳然去闌干一曲車驅之馬頰車
殆猶難住未識明年在何處惟有橋邊舊酒樓青旗不改春
風路

河間琵琶行

車班班入河間河間姹女工數錢數錢請上琵琶弦爲君躑
躑一再彈一彈絃未整再彈聲忽警三彈四彈風雨并不見

弦絲見指影絲者不如竹竹者不如肉被服羅衣裳當戶理
清曲曲聲齊唱滿江紅催曉疑是商玲瓏千呼萬喚徒爲爾
千山萬水愁殺儂別有危弦促柱起南部烟花非北里滿堂
賓客不願聞兩豆行將塞其耳耳可塞心欲死君不見遼海
文章亦如是

宿阜城旅舍見戊歲題壁宛然感賦

前年驅車阜城驛醉裏曾題雪色壁祇憐過眼似雲烟那知
留卻飛鴻迹急召主人深謝渠爲我護持詩及書主人言非
愛公作比年屋破懶埽除又言昨有兩客投此宿一客昂頭
向壁讀彼客移鐙往就之此客匆匆卽鈔錄問渠客自何方
來云是直指黃金臺姓名未及叩誰某身長七尺多鬚眉我
聞此言三太息疇昔交遊無此客天涯莽莽風蕭蕭得一知

已不相識嗚呼人生知己良難得相思一夜頭應白

周亞夫墓

蒯通相齊王相背不得悟許負相太尉相口不得哺三十六
將軍那得知其故功成侯易封事去吏亦怒我過景州城何
處亞夫墓不知細柳營惟見白楊樹

鳳尾

鳳尾檀槽今尚存重來恩怨曲中論素衣已被緇塵染不是
青衫舊淚痕

縣駒里

城郭突兀烟火稠石子滿地歸羊牛車輪到此忽犖确入眼
知是高唐州城門四扇夕不鑰用便使駭傳輕郵客行藉此
無禁止快作南北東西遊我本南北東西者往返奚翹易葛

裘山東景物不足賞但於古蹟頻誅求道旁有碑高丈許片
石獨爲縣駒留駒也生無他技巧要惟矢口揚清謳乃能變
移及風俗遂遺齊右開歌喉至今箏琶盈兩耳毋亦猶是駒
風流淳于滑稽本辯士炙轂不數談天鄒當年借駒設客難
甘與孟氏相爲仇豈知駒名以此顯居然一曲懷千秋寧無
陽春與白雪郢中客散誰倡酬此事有幸有不幸驅車日暮
心悠悠

書左彙泰山詩後

史遷博遊覽始能爲文章著書成一家亦向名山藏新婦閉
三日丈夫志四方人生苟有緣不在道路長岱宗崔以巍眾
山出其旁長風駕萬里天海搖青蒼思我疇昔遊神氣猶飛
揚今來逼寒威不獲趣急裝歧路惜赤屐齊州但蒼茫能著

幾量屐誰春百里糧因君梁父吟三歎心激昂何時乞真形
攜手朝玉皇

勸酒歌贈吾漁璜農部

祖望

和宋助教

飢寒在身前功名在身後悠悠行路難不如飲醇酒磊落執
戟郎支離灌園叟空餘書一紙未乞湖三畝欲證須菩提嚼
蠟關其口將封狼居胥投筆掣其肘夜月啼青鵲浮雲幻蒼
狗飄然擲一官拔劍出門走我我黃金臺酒債尋常有道逢
宋如意舊是荆卿友脫裘黃公壚荷鋪青山藪醒咲東阿王
醉叱北平守羽聲寒蕭蕭東瑟問西缶風塵起十丈雲夢吞
八九美人顏如花羅裳響瓊玖的的開朱脣纖纖出素手蒲
桃夜光杯殷勤爲君壽上言神仙難下言富貴朽不飲君何
爲君意豈否否我本燕趙士爛醉狂歌久題詩入階甕著書

覆醬詎何當封酒泉作杯大於白紉積買春錢高擁墀愁景
不嫌丞相曠時向車茵嘔願爲先生歡請取唾壺叩劉伶據
其左李白坐以右三客將奈何二豪竟誰某憶昔春明門識
君意良厚君雁正南飛余馬亦東首江南寄梅花江北折楊
柳萍合本無根瓜分盞有偶錄別感窮通擊節恣好醜相從
和而歌一字沽一斗

重題項王墓

玉斗淒涼鐵騎摧陰陵月黑走烏騅美人一劍花初落亭長
孤舟夜未開回首入關當百戰傷心卷土不重來依然樵牧
謳吟處白草茫茫正可哀

玉冠行

玉冠女子年十九斜抱琵琶夜行酒心中之事無時無眼中

之人有時有自言生小嫁王昌門對管河春水長妾攀紅樹
乍登閣郎弄青梅來遊牀雪南花北匆匆別鏡裏蛾眉怨新
月無復蘭臺走馬人空餘藥店飛龍骨餅有水兮井有瀾阿
侯嬌小阿君單翻因消渴成新寡忍爲啼飢絕古歡本意青
山種松柏雨雨風風望夫石菟絲引蔓故不長柳絮沾泥竟
無迹况復荒邨草不春連年庚癸聽嘖呻可憐碧玉小家女
來看朱樓大道塵濟陰公子仙根李日日尋春花鳥使若教
傾國得佳人願向華堂奉君子無端打鴨驚鴛鴦何處離鸞
思故鄉思公子兮未敢言懷佳人兮不能忘散花小劫天公
意鬢絲無恙腰支細楊柳三年橋已空枇杷萬里門應閉方
便蠻箋寄遠心不知懷袖幾浮沈楚妃清怨紅絲瑟蜀客長
愁綠綺琴姑臧太守風情老五口誰能畏京兆更無縣吏去

催租不送宮人重入道依舊當筵一抹春居然嚼蠟視橫陳
飄零同是天涯客淪落誰當地獄人天明蠟淚題幺鳳轆轤
惆悵琵琶送不須三疊渭城詩已堪一覺揚州夢

東平道中寄懷唐六

離別不可道西風吹杜鵑美人在天際流水繞堂前青鳥三
年字紅塵九點烟如何左宮枕飛夢亦茫然

桃花橋

山東江南
交界處

一葉桃花渡江南舊板橋關心流水遠回首暗塵消雞犬人
家住風烟客路遙分明武陵岸絕境記紅潮

汶河晚渡

行李渺何處盈盈衣帶間漲痕秋後落艇子暮來還古岸白
榆樹斜陽黃石山再來春水濶不記碧彎環

漂母祠

長樂開鐘室淮陰失釣筒後先兩女子生死一英雄知己自
難得封侯竟不終至憐祠畔樹獵獵起雌風

重題露筋祠

叢祠圍一水孤棹此重經詩蘚疑紗碧年華感鏡青鳥飛白
蓮岸秋見黃姑星可待成追憶涼風吹暮齡

舟夜聞吳歌左爨有詩余和之

遠采芙蓉夜渡江艣聲欸乃近船窗來朝驚破揚州夢定是
吳娘水調腔

飲揚州酒樓送漁璜之黃山與左爨

春明門外舊郎官狹路相逢酒未乾山色不知昏嫁累水聲
從此別離難雷塘寂莫誰能送雲海蒼茫且去看何日笠蓑

記歸字再來西咲向長安

同作

宋大樽

江上忽離別扁舟增暮寒猶持故火酒莫作異鄉看此去
又千里新愁更百端朔風吹涕淚不許向長安

自邗溝放舟至平山堂作

宿槩江上城寒烟媚清旭不知流水深漸入虹橋曲稍喜風
日晴未厭往來熟柔艣忌其機不避野鷗浴夾岸睇園林空
濛映修竹秋聲在樹間吹我顏色綠乘興作此遊竟日謝拘
束宮荒欲弔隋岡平尚名蜀不辯廣陵濤盈盈美寒玉

直上平山堂落葉紅不埽卻望吳公臺遙山青未了大江從
西來日夜流浩浩六朝風雨多三月烟花老歐陽昔作守築
堂近蓬島至今遊宴地思古盈懷抱始信古人難江山重文

藻勝地不可常榮名乃爲寶不見金谷園無人拾芳草

由牖紀事

黑雲夜立黃河隈河伯突兀騎龍來衝寒直下三百里大半
排出金銀臺我方蒙頭酣水宿清夢正到江南梅忽聞有聲
發水上耳側以聽心則猜紛如百靈蕭擁節疾若萬馬趨衝
枚三更何爲飛白練九載乃欲誅黃能銀海茫茫使我歎玉
山朗朗非人推水氣積冰冰打水冰冰跌宕寒皚皚東船西
舫各失手篙纜艣楫帆檣桅靈鼉伐鼓轟如雷吞舟之魚揚
其頰船娘搖手客子猷僮僕對面立死灰當年驢背尚猶可
今茲魚腹良堪哀安得錢唐水犀手強弩飛射潮頭回急則
逼人計咄咄巨斧橫劈關門開直送行人渡江去青山兩朶
如蓬萊行路艱難有如此賦命窮薄何爲哉敢云君子有尤

妾毋乃天公哀不材又疑馮夷索奇句故遣長筴圓珠催我
詩本不一錢直如此作惡誠難爲願乞鮫綃一丈五卻趁浪
靜風恬裁乃投東流贈龍女報我九曲珊瑚釵書破許渾濕
千首捷若下水船之裴衣裳顛倒忽大咲出險相屬蒲桃醅
海門蒼蒼上紅日夢中一泣歌瓊瑰

渡江用東坡自金山放船至焦山韻

我生性僻佳句耽題詩一路來江南江南烟波渺無際野航
恰受人兩三蕭晨無風翦江去中流自在詩抽蠶側聞焦山
夏幽絕當年招隱真無慙海雲蕭索護古鼎修竹掩映臨寒
潭遙看一點青撲亞老僧禪榻眠方酣風餐露宿歎行客未
許捉塵陪清談鐘磬無聲曉霜白一船遠夢飛烟龕他年若
尋雙不借雖有風浪心仍甘山靈聞言忽拊掌此念毋乃書

生貪問君昏嫁幾時了山猶如此人何堪但當作詩破愁疾
爲爾寄寫山中菴

甘露寺

我攜仙人九節筇直上北固之高峯天寬地窄飛鳥絕江海
一氣浮魚龍登臨豈惜煩耳目開拓自覺生心胸山川於我
本無故興之所到情乃鍾捫蘿卻訪甘露寺華嚴法界金碧
重山僧蒼顏已不俗況有二客能相從宋助教及
鄭四事傳聞狼石
臥庭際歲久埋沒荆榛叢當年何人好奇計孫劉諸葛皆英
雄阿瞞伏櫪志千里欲吞巴蜀無江東豈知深山一片石外
間大有人圖農始因歸妹狎親弗誰信斬將興兵戎三分割
據竊神鼎九錫慚媿超彤弓誰能閉門作天子勢不兩立仍
兩窮不見水濱爭蚌鷸收其利者爲漁翁飛橋已驚出山外

巨筏行復衝江中可憐風利不得泊遂使王濬貪天功金陵
王氣黯無色豈獨白帝多悲風江山第一我懷古茫茫南北
無遺蹤撞鐘擊鼓下山去青天落日銜芙蓉

京口夜話與左夔爲春遊金陵之約

三年熟聽海門潮依舊飄然一葉橈山水癖從今夜起江湖
鏡向故人挑思隨黃帽搖雙槳便訪易衣到六朝僂指春風
容易過肯來同上石城橋

曉雪發金雞嶺

騎馬風吹樹鳴雞雪滿天短裘寒有態狹路酒無邊山色前
朝寺江聲昨夜船丹陽城郭近日夕羨飛鳶

毘陵舟次贈別惲敬子居孝廉

傾蓋亭前彼一時深宵風雨惜前期出門西咲春如夢此水

東流歸又遲

中春相遇於
鄧城逆旅

宦境誰尋五斗米仙才長采十年

芝書生骨相酸寒甚覲面慙教趙勝知

博好讀相人
書多奇中

經年作客悵離羣天未涼風日暮雲生本多情盍獨我歸當
失意又逢君拋殘烏帽塵三斗看到青樓月二分若向江南
望江北人間還有杜司勛

惠山用前韻

我從山下行望見山前路山靈有責言春風記前度雙屐不
得登孤篷自來去來去誰使然脈脈斜陽渡失意芙蓉花銷
魂楊枝樹食言雖有罪得句非無故況茲山水緣每具冥冥
數舟人貪水程在山本無慕卽此一葦航有似六州錯叶我
方行路難去亦不復顧且慙抱璞歸別足窘其步長歌復短
歌一誤乃再誤那知苦吟中是我臥遊處一咲語青山於心

已無負

江上別劉將軍

投筆人萬里把酒江干尋江水有時淺人情到處深輝輝匣
中劍落落花下琴薄暮一舟急蒼然吳會吟

酬別左彝

一月能消萬古愁陸同車馬水同舟詩情已徧江南北更向
奚囊空處投

崑崙關外少年行幾許弓衣織未成那向扶桑更回首可憐
惹草是虛名

曾補南陔束皙詩采蘭相戒敢差池重來不復愁衣綻還是
臨行密密時

歸去離歌不可聽天涯消息柳條青夢魂得似江頭水流到

塘西乙未亭

助教所居

贈別鐵雲

宋大樽

翩翩公子負才華十載人歸萬里踪銅柱詩傳天外使

雲

少時在西塲作伏波銅柱詩
為安南國使臣攜還本國

金臺春老夢中花髻齡別母

難為客薄宦傷心不見家正是鴛鴦湖水綠送君此去似
乘查

雨行平望道中卽事

谿水碧於海谿雨涼似水是雨是水花點點入魚鬚

谿路還湖路濃陰歷短橈濕帆愁不卷搖過畫眉橋

宛轉吳儂曲瀟瀟暮雨多分明翻水調却道唱山歌

歌聲雜水聲棹入最深處萬點冷蘆花兩岸枯桑樹

餅水齋詩集卷四終

餅水齋詩集卷五

大興舒位立人

闕逢攝提格

初春宋助教過訪弊居竝出示近詩卽送之看梅鄧尉
白雪五更晴喧簷鵲聲衆春風吹故人叩我柴扉夢入門笑
相屬楚客得一宋遙情接今歡溫語解昔凍旣出詩百篇其
詞婉多諷中蒙見懷什鐵笛記三弄見贈鐵笛歌舊事杳莫追新
詩俊堪誦感茲隙過駒幸不門題鳳來欣倒屣迎去惜牽裾
送式飲且度幾酒熟青花瓮

梅花開空山春氣靜太古微茫瀉流水中有數聲艫艫聲搖
落花宜著君與我君去已有期我行殊未果深慙素約違苦
被俗緣鎖有似網西施五湖遲一舸鳥啼雪千尺人夢香萬

采山靈暝風塵花神咲烟火君今山中遊定向花間坐好好
寄題詩當我曾遊可

自烏鎮至常熟

挂帆鶯脰湖湖水凡幾曲愛此東風吹一鏡卷青縠我行昨
歲晚冰雪苦瑟縮重來夕岸烟楊柳忽已綠斜陽絢春樹樹
影在帆腹時見釣魚船嫋嫋一竿竹

春江瀉碧油春岸驕白鷗江水不可唾鷗飛上我舟轉舵入
江郭人語喧以稠回睇數峰翠一抹朝雲收思爲萬蝴蝶夢
古梅花樓

吳閭競上元燈火萬花海絲竹列如麻羅綺重如鎧酒腸及
花眼擾擾無自在薄暮畫船間脂粉棄烟水客意正無憀擘
舟出荒漚天空飛鳥絕兩槳答欸乃

疎星明積波斜月倚高樹開窗送曉青心識虞山路撫景涉
曩想兩歲西風暮蒼然古芙蓉徘徊不能去

拂水山莊作

五百年間事荒園此尚留江山空故國風雨感高樓木杪孤
烟出門前一水流分明江令宅早白主人頭

咄咄占黃閣匆匆下白門可憐啼杜宇不及食河豚浪子銅
駝陌美人金谷園江南紅豆曲惆悵不堪論

關節無公道窮愁有著書夢中才易盡劫後火猶餘青史看
題壁黃冠笑荷鋤空門如解識此事豈消除

虞山歸舟

桃花水漲青春老船尾蒼烟涼不埽夢回篷背聽無聲細雨
濛濛入天曉客來春事易初啼客去春情花亂飛試對山靈

歌水調贍教春與客同歸

蕭條寒食炊烟收野棠花開搖綠疇瓜皮艇子出陸墓恨無
一杯澆古愁可憐風雨愁仍在鎮日篷窗暗相對夕陽忽放
野田晴已有歸鴉坐牛背

吳門逢宋助教

鶯脰湖邊水迢迢說鬢絲姑蘇臺下柳楚楚見腰支春意梅
花鬧巢痕燕子知方舟成邂逅稱妮話前期

燕趙悲歌客相逢狹路閒風鏗添半臂雪壁記雙鬢古意東
西水閒情大小山那能尋樂句拍徧舊陽關

吹笛過淮浦看濤到廣陵愁來妬佳月夢覺踏層冰談虎公
無渡騎鯨僕未能江潭窮薄語難遣夏蟲磨

歧路誰流涕名山想著書癡符愁不免做帚亭何如白鶴孤

飛絕青琴萬籟虛幾時杯酒與相對注蟲魚

登烏鎮東寺塔絕頂作歌

長繩繫取扶桑景來上浮圖最高頂七盤轟轟入三霄一氣
茫茫俯萬井秋豪之顛目既窮强弩之末足猶猛青天白日
接混茫惟見太湖三萬六千頃湖山一綠搖空來其勢平遠
如烟苔由旬去此凡幾百虛無縹緲非蓬萊我本天涯萬里
客青眼高歌望鄉國衣裳蒼蒼增暮寒浮雲飛過紅闌干斜
陽在樹鳥聲樂塲鈴四面春風拓一枝鐵笛冷於龍去向仙
人借黃鶴

月夜還自南湖

趁月掉歸船月趁我船去相隨烟水中微風與之遇浙浙吹
菰蘆行行辨雲樹艙窾時動搖躑躅已達曙月落風既靜流

水空無據認取水巾亭是我往還處

徐幼文山水軸子爲陳髯作

人外寫青山山與人皆靜榻來塵土中訝此清涼境想其落
紙時咫尺具妙領興濃墨愈淡意繁筆更省野勢尤蒼然彷彿
秋來景林疎烟未起橋斷水無影我懷夢綠軒千載常耿
耿君今出此圖年月記舴艋自題作於
湖舟中詩情北郭空畫手東
湖冷急展玉鴉又寒具且須屏

苦熱行

裘鑪旣退笠扇徵今年六月尤煩蒸我辭青墩三十里竹篙
詰曲撐新厓身篷四圍公請入黃簾八尺僕未能青天誅蕩
野風死水波因之以不與孤鶩之飛不敢過明霞一鏡鋪紅
綾斯時眼穿夕陽落那紫白日求長繩恍疑靈媧煉頑石補

綴五色威凌兢不然后弄燭九日昇翰晴歲抑釋棚老農緼
贖怨曝背酷吏桎梏愁填膺熱心竊比鳩喚雨炙手難覓蟲
語冰伊誰乘離執火繖吁此權柄赤可憎豈無園林坐道暑
浮瓜折藕且剝菱胡爲宛喝怨行路穠穢觸取紛頻仍雖知
滄熱各有候今茲趨炎殊不勝移舟入夜勢轉劇蟻抱樹枝
魚入罾衆星搖搖太虛碧頰散萬點空潭鏡臨流幾消牛飲
渴揮汗有類鮫珠凝腸中忽作車碌碌耳際惟聽蟲翳翳安
得雷鼓走輜輳華電煜爚射紫棱霹靂一磔聲裂縉三十六
天龍躍騰浮雲決鬱雨溟沐使我大笑如蒼蠅

焦山圖詩用東坡郭熙畫秋山平遠韻

陳序璜明經藏家伯父蕨堂先生所寫焦山圖有自
題曰金焦兩山對峙然言金山則矚色飛舞罕有及

焦山者蓋金山景包山夫人知之焦山則山包景非
胸有卷軸未易窺也客詢其說作焦山圖以對乾隆
壬午二月既望澹齋記於丹陽古驛澹齋伯父舊號
也此圖已閱三十餘年頃與序璜書扇偶錄去年焦
山詩序璜以爲先後相賞皆同乃出示此圖索句拜
促作書乞先生近畫位旣題附卷尾且錄一通寄呈
伯父而識其略如此

大江東去扁舟閒江南江北多青山就中兩點最奇絕恰似
邢尹相逢間客行不厭看山遠一笛漁蓑弄春晚當時但記
妙高臺誰識海門橫絕巘爲埽紙繡搖豪霜蕭然古驛題丹
陽殘山賸水有人得臥遊不換碑礫光三十年來如一日過
眼烟雲生白髮八分倘許張三軍五日猶當畫一石

湖上

湖上明波綠似苔菱花兩岸雪然開刺船人在花深處疑是
山陰子夜來

寄懷唐六稚川都中

北海開樽夜西窗翦燭時曾留一夕話只有寸心知富貴欺
塵土文章老別離琅邪城外柳還賸幾絢絲
別酒不能飲山桃花亂開贈余青玉案念子黃金臺秋色三
條燭佳人八斗才扶疎桂之樹褰取一枝來

七夕鴛鴦湖舟中二十韻

秋色豆花水蕭然揚暮舲衣裳逢七日風露拜雙星諧豈齊
東野填應海北溟神仙自辛苦兒女太丁寤舊諾烏頭白今
歡鵲尾青橋長銀漢注天斷玉箱停鳳駕涼初肅牛閨夜不

扇一針人乞巧三市身通靈幾處書消蠹誰家扇撲螢錦機
抽綵繚瓊佩響瓏玲脈脈殊偷藥遲遲數落莫淚迷唐殿誓
灰劫漢池形故事纔成詠新宮倩作銘紅牆圍密約翠被感
餘馨似此離還合真同夢未醒客查愁莫借仙語遠難聽闌
夕歌黃竹扁舟破綠萍佳期教迢遞好句惜飄零月墮青瑤
瓦雲歸紫玉輶世間惟有別相對但冥冥

送人之秦淮

渡江桃葉負春愁一路烟花笑未休燕子尋常飛百姓鱸魚
容易到三秋湖山青峭詩人壘絲竹黃昏蕩婦樓此是江南
腸斷處冷吟閒醉與勾留

瘧

冷煖不自知厥疾名曰瘧西風颯然來間日乃一作嗟余本

無辜與爾似有約或不寒而栗或非火而灼心兵互勝負眼花自開落病也吾非貧謔兮殊近虐或言求良醫藥石苦相託其次驅厲鬼史巫用紛若是二皆非然請試言其略人生天地間寒暑競相薄涼非金石堅又被利名縛飲食失其時風雨與之搏是氣所鬱積寒熱之媒灼受病有淺深得病無善惡病來不在鬼病去不在藥去尚不可留來則豈能卻翻翻金鴉雛褪眠白鶴極目照五蘊游心絕六鑿物理得自然人性有至樂遽遽秋夢醒汗出於是霍

中秋夕泛小舟出鄉思橋對月放歌

青天不可以梯碧海不可以舟忽飛海底月照見天上樓金風珠露美清夜冰壺玉鑑懸高秋我從闌夕揚空船浪花參差吹綠腥天上水中各有月兩岸人家眠瑟瑟烟中雞犬欲

騰空波際魚龍愁出沒有酒渴可飲盛以綠玉瓢有曲狂可
歌和以紫竹簫纖雲四卷風不驕橫渡百尺紅欄橋悄然舉
首睨絳霄恍惚娥宮萬瓦櫛櫛排青瑤間娥靈藥幾時竊太
虛密邇不可說惟見歷歷種白榆霏霏落黃雪蝦蟇背老兔
口缺水精刻桷銀鑄闕仙人兮列如麻浴出丹淵一丸白
我欲騎紺鸞驂翠虬左拍洪厓右挹浮邱明霞十色華漢流
星衢霜殿爛不收平視月姊倚飛閣高寒衣我青鳳裘題詩
笑傲凌滄洲笠覆杯瀉心悠悠乘風歸去不可留依然水調
翻歌頭歌復歌愁更愁安得瓊斤璧鑿修合四萬八千戶去
作東華西靈南離北貢逍遙遊

移居呈沈松廬觀察

啟震

揚雄家無儋石儲自序乃有宅一區顏回屢空常晏如陋巷

亦足稱安居今我之貧異於是三間茆屋猶催租生來本無
家可別東西南北紛舟車前年僦椽向烏戍蹤迹往往驚樵
漁登堂旣已苦湫隘開徑沉復來穿窬先生知吾有老母請
更爽塏毋欲獻南華橋頭秋水綠扁舟願寫移居圖移居之
圖尙可寫无此高義今則無

自鄉思橋移家南華橋

繞樹眞能借一枝秋來烏鵲正南飛好因夜月同開徑卻對
西風自掩扉近市晏嬰難免俗登樓王粲愴忘歸銷魂鄉思
橋邊路根觸無端戀落暉

匆匆難辦草堂錢小住青墩近四年壁立誰能雜庸保樓居
未必好神仙偶逢借宅周公瑾又作移家葛稚川只有藤花
能送我一株斜倚短垣前

帝橋流水曲相通
家具裝成一葦空
此去全無鵝鴨惱
乍來休笑馬牛風
歡顏庇有千間屋
抱鄰吟當一畝宮
最是倦遊風物好
北堂深護綠萱叢

我生蹤迹本萍浮
此地分明是舊遊
記得梧桐鄉裏路
相逢楊柳水邊樓
攜來雞犬猶能識
容著琴書不礙愁
卻笑南華名字在
一篇秋水住莊周

南湖舟中夜雨讀宋助教詩因題其卷

水宿不知秋夢破
三色雨青鏡翳江湖
何似窗西語況復古
錦囊美人拾翠羽
微吟流水中漁唱
和容與舊雨籠碧紗
今雨歌白紵舒雅酬
西崑宋玉愁北渚
歸舟記篋篋颯颯鷗鷺
侶銀竹打鳥篷
臨流怨芳序

移居詩爲序璜作

吾友陳髯無家者四壁之中秀而野讀書識字六十年向我
時時一傾寫非惟意氣與我同兩貧亦足爭長雄我方做屋
君假館不信世有安居榮叶親朋竊咲臧獲怨草堂之錢不
成串買山而隱古所譏盡室以行今始見朱門蓬戶兩相抵
不問他鄉與故里西湖不住住南湖拋得杭州有年矣秀州
門邊數瓦簷五樓十閣如鱗黏牛宮豚柵各有所何獨不能
容一髯一昨相逢向我說風雨雞鳴屢湫隘偶因舊友得新
居歲在闕逢攝提格昔也賃廡歌梁鴻今者移家畫葛洪雖
非卜宅如陶公頗亦牽船勝張融誰謀儋石儲揚雄且盤硬
語遺盧仝全家雞犬三間屋萬卷蟲魚一畝宮我住青墩意
愀愀慕燕檣烏誰與偶得君恰是素心人與君直作忘年友
君今有子復有孫老妻嬌女能食貧卻教一事君輸我夸於

樂天我有母

叫

題陳髯傲米家山

海嶽畫山不惜墨墨氣入山山有力髯從千載彷彿之筆牀
青削芙蓉色平生性僻愛看山五岳方寸時屣顏君今畫山
在何處他日與君買山住

夜雨

青天壓白雲昔昔逗秋雨缺月久匿輝涼颼乍抽緒空階猜
躍鱗枯樹漏棲羽鐙暗不成花微聞草蟲語

菊花詩

西烟籬落鳥飛回他日黃花昨夜開一卷離騷香處續十分
秋色夢中來翠微風押參軍帽青女霜搖傲吏杯欲采相思
不盈剗遲君消息到寒梅

奉懷宋助教楓橋寓居

鄧尉山頭踏雪來，巫咸谿上掉船回。相逢三萬六千頃，欸乃

一聲花亂開。

春間余歸自虞山助教從香雪海來相過吳門舟次誦其游詩有梅花香五湖句

春船瞥負五湖期，鐵笛西風怨別離。

助教嘗爲余作鐵笛歌

更爲酒人

吹一遍畫眉橋外露青旗。

畫壁曾經唱竹枝，雙鬟都記使君詞。無端別譜三姑山腸斷

吳儂本事詩。

助教嘗以長慶體爲武林彈詞盲女作三姑山歷述盛衰爲此題絕唱

江楓漁火近寒山，城外鐘聲客未還。今夜梧桐鄉裏月，又隨

秋夢到吳關。

幽棲歲月感瑤琴，唐棣詩刪共此心。準待君歸故山曲，三分

橋畔一相尋。

旃蒙單闕

雪夜與女牀山人話別

滴粉搓酥勢未休，兩三燈焰颺高樓。
撥殘荷葉思焚硯，開到梅花悔典裘。
好與煎茶圍夜話，無端行李入春愁。
平生頗笑相如渴，肯遣青山怨白頭。

題謝參軍晞髮集

三尺竹如意，登臺手自敲。
百年亡國恨，雙淚故人交。
鬼戰冬青樹，春空翡翠巢。
殘詩無一寸，沙社幾時鈔。

風涇歸舟

風涇接魏塘，烟景晚蒼茫。
孤棹迴殘雪，春潮擁夕陽。
夢騎雙蛟蝶，歌起萬鴛鴦。
好傍南湖宿，寒林月正黃。

宋助教寄龍井茶

鯉魚風裏豆花香，絕勝三瓶寄夜航。
初試西湖好滋味，居然

壓倒白雲槍

詩腸渴禁酒三焦正要甌香細細澆難覓中冷泉第一梅花
簷下雪初消

南屏茶事妙謙師禪榻花風感鬢絲未負青春狂杜牧喫君

新茗報新詩

來書云是靈
隱詩僧手磨

題蘭亭帖後

明何遜使
井欄本

暮春禊事叙臨河落紙烟雲晉永和解道脫胎金谷引便知

真本已無多

世說新語注所載臨
河叙與今帖文互異

匆匆繭紙閉昭陵白石蒼苔雜愛憎似此花開殘帖裏直須

愁殺趙吳興

野鴨家雞兩不妨采旄猶賸十三行誰知新樣元和脚却在
淮南汲井床

冰花初泮玉蟾蜍一束青縷夢不如便有春風來挽底故應
玳瑁與裝書

夜渡鶯脰湖和徐朝玉孝廉

升馨

夢裏吳江接太湖心情可與昨宵殊一年春好逢離別半夜
詩成在路途風利漸聞流水急月明忍遣酒樽孤南州孺子
陽春曲乘興分箋亦自娛

呂城雪夜寄懷女牀山人

柳絮曾吟道韞詩迎春時卽送春時誰知銀海三更泊祇隔
青山五日期范蠡湖深魚素杳呂蒙城晚雁飛遲高寒忍背
鐙花坐不是熏籠定被池

京口夜泊聽雪朝玉孝廉置酒請作歌

顛風夜射空江客江水江風兩相逆東船西舫悄無言鷓鴣

之聲行不得是時江月已無魄忽現光明入窗隙初猶天高
恣飛灑既覺船低競堆積山遠全開草木心水深暗壓蛟龍
脊我生好雪如好色眼底神仙貌姑射橋邊林下各有賞矧
乃蒞蒞來泛宅掀開黃篋見青天四面江山萬花白平視鳥
飛無一隻墮鈴丁東粉欲滴金焦兩朶相婉孌此投瓊瑤彼
獻璧三更夢斷有扁舟六朝人去無雙屐徐生少年逸者流
謂當以酒澆其鬲我生畏酒如畏敵於此不飲良可惜白戰
殊未能黃飲庶無責紅泥小火老瓦盆竹葉清浮蕉葉窄以
酒澆詩詩竟成以詩催雪雪方劇呼童披我黃羊裘至此一
寒等絺綌猗嗟人生貴自適豈獨蕭條在行役鐵甲寒沉萬
竈烟香鐙夢遠三春陌況我南北紛舟車熟見漁竿與馬策
問君此境是何境問君此夕是何夕水精如意玉連環萬斛

春愁兩手擲明朝騎鶴上揚州酒花微紅燭花碧

渡江絕句

霽雪飄然冷作花過江春色卽天涯分明破浪乘潮去那及
紅船載到家

青山兩點浪雙涵半帆輕風疾似驟今夜蕪城城外夢定隨
江水到江南

三年水國路微茫來去無端客漸蒼欲向江神問消息亂帆
已失海雲堂

過江雜詩

揚子津頭春霧開瓜洲城外渡江來孤篷無物輸關吏昨夜
江南雪一堆

樓上神仙到欲迷曲中公子唱猶低君王才盡惟看鏡不許

空梁落燕泥

清夜西園遭箇春珠簾玉箔記來真匆匆便向聊城去咲殺
胭脂井底人

殿腳三千土一邛烟花猶戀古揚州司勛但寫阿房賦那不
傷心到玉鉤

豆蔻梢頭事惘然一生紕繆杜樊川揚州薄倖還如此況有
湖州十四年

平山誰復繼歐蘇城向參軍賦裏蕪十里春風二分月不宜
繁露董江都

媪神猶自祀蕃釐一卷經消兩鬢絲解道韋郎正年少江東
羅隱有題詩

現宰官身作雅遊奚囊伎扇自風流阮亭去後云亭去此地

官名也合休

王漁洋孔東塘皆嘗爲揚州府推官今裁

河橋燈火蕩春槎衣際鴛鴦鬢際鴉韓綽不來何遜去夜深

誰唱後庭花

才過淮南水拍天別離心似此湖然不知今夜江關夢去趁

誰家下水船

水際靈旗祀女郎不須更辯鹿筋梁問渠寶帳重重霧可占

人間一瓣香

十日春寒一破裘沿隄寶應接高郵泊舟風雨開船月腸斷

流人水調頭

淮水東流繞郭門昔人於此飯王孫分明拋了漁竿去卻是

冤仇不是恩

碧霞宮外萬烟波舫初辭見橐駝一事記來真齒冷也曾

騎馬過黃河

戊申年事

車中讀趙秋谷詩

不見餘山客荒途動遠愁清狂三爵過拓落一官休法曲宮
中燕閒情海上鷗平生蕭瑟意詩卷自長留

正序無由乞偏師忽見攻門牆爭附驥鱗爪獨談龍欲覓圍
鑪話先教鑄像宗如何立趙幟頰首但稱馮

趙北口作

南垂北際幾題詩來自無聊去較遲彷彿江南好風景暮鴉
啼殺綠楊絲

烟波無恙釣魚船此柳依依似昔年若唱曉風殘月句桓司
馬是柳屯田

竊藥行

君不見后羿請藥王母前欲食不食心茫然娥也竊之大有
緣占於有黃妹翩翩臣妾遁逃天帝憐賜以別館名廣寒中
有皓魄清而圓三五盈缺照人間金蟾玉兔侍兩邊白榆紅
桂香滿園霓裳羽衣曲譜傳紫簫玲瓏挾飛仙驚起吳質夜
不眠銀河耿耿秋水鮮下視有窮一點烟天路隔絕不得言
我聞十日竝出草木煎絕技射鳥落九天何不翻身彎弓射
嬋娟徒使青天碧海三萬六千年復年

城南雨夜與姨生王仲瞿孝廉話舊

一海無端合兩萍春鐙細雨話曾經幾從患難傷離別卻謝
才華見性靈東觀奇書猶記憶仲瞿前主族祖尚書文莊公家嘗校讀四庫秘書西
州華屋已飄零感懷外舅進士金夏峰先生也知塵尾尋常事肯道山公

歎宦馨

黃金費盡別無家鏡影蕭聲近若耶客有因緣歌續竹婦如

影響筆生花

仲瞿喪偶後爲贅婿於山陰金氏其婦名禮麗者能詩畫

已教柳絮吟成雪

更遣桃根散作霞自向丈人峰下住靡無不用采天涯

亦寄食婦家故其詩有娘子軍中分半壁丈人峰下託全家之句

浪花歌唱秀州城往復扁舟效乃聲湖上鴛鴦多識我江東
鸚鵡不逢卿置書懷袖經三載入夢風烟近五更誰信安牀
紅豆底相思重與聽雞鳴

知音容易賞音難椽笛薪琴太等閒恩戴蓋頭豈頑石

始欲掄元

既置第十入人書藏婢口亦名山

袁香亭太守家有婢能背誦仲瞿省試卷

腳根五岳商

禽向挽底千秋出馬班聞道長安居不易春風野火且休刪

答詩

王曇

昨宵篝火聽雞聲夢裏橫行見長卿吳下名儒無後輩燕

南才子是先生羊公譽鶴渾難舞平叔剛書敢便成喜與

徐公

謂朝玉
孝廉

同彥會半篇漁父坐三更

十載聲名眠裏思天涯親弗見時遲江湖到處無家住風
兩相逢有贈詩兩姓中衰諸舅說半生家難毋嫉知故鄉
豈少論心處不敢言情淚要垂

夫子聲華日下傳出門也是別離天婿鄉任後吳音熟母
黨傳來阿士賢海內英雄餘子在南中骨肉幾人全西州
賣斷羊曇路判取衷腸話兩年

劍合雌雄暗自誇飛騰還讓渥洼駟文章不負三條燭名
姓爭添一榜花元度官銜新著作終軍容貌舊年華天南
回首南湖路一帖泥金祝到家

分明

書堂斜展北窗新
夾竹桃開露半身
日暮嬌香兩無語
湘夫人對息夫人

萋菲但有青蠅集
吟喝曾無白鳥羞
長日垂簾宵卷帳
憐蚊

見蠅又防秋

都下多蠅而絕無蚊子
惟蠅與蜈蚣入秋甚夥

丁香芍藥都開過
杏子櫻桃價漸平
金翦乍收銅盃響
賣花聲換賣冰聲

元祐黨籍碑

黨籍碑乃是蔡京之所爲
搜羅星宿恣謠詠
跌宕日月爭光輝
京爲此碑意何居
書曰奸黨深剗削
以欺天下不可欺
以疑後世不可疑
但留名姓紀元祐
毋乃董狐陰使之不然
史之闕文不概見
天下後世一一知
爲誰首列宰相司馬光
武臣內臣王與張
三百九人一片石
此石不入朱勔之花綱黃

門夜半傳玉冊石破天驚橫太白畫圖已滅景靈宮姓氏仍
磨端禮闕碑雖可毀名則崇後人此意將毋同至今價重洛
陽紙當日流涕長安工清流居然投濁流汴州忽變爲杭州
宣和書畫劫灰冷此紙一拓何人收黨籍碑下中上往車來
軫葫蘆樣君不見五屬纜收北寺囚三朝又點東林將

書桃花扇樂府後

粉墨南朝史丹鉛北曲伶重來非舊院相對有新亭搆黨干
戈接填詞筆硯靈匆匆不能唱腸斷柳條青

瑁璫秋來客娉婷夜度娘文章知遇少脂粉小名香不解鬢
乘霧真成燕處堂秦淮嗚咽水忍與叶宮商

秋草

秋草遠無邊秋風颯可憐愁來何滿地衰處竟黏天妃子青

三尺王孫綠一年無人薛司隸得句忽淒然

愛妾換馬

駿馬不常有佳人難再得二者孰可兼使我三歎息丈夫意
氣浮雲開美人遲暮天馬來會當短衣馳萬里安用長袖歌
三臺低鬟再拜與君別楚臺夢雨秦關月神仙富貴兩無成
兒女英雄各癡絕君不見重瞳圍急聞楚歌身雖奈何虞若
何又不見睢陽城中宴將士愛妾亦死馬亦死

法源寺石壇

唐太宗徵征高麗將士戰骨處

七寶莊嚴萬骨靈法雲香接陣雲腥埋來春草三年碧開出
蓮花一朶青橫海風濤灰幾劫諸天鐘梵佛同聽高臺擬當
燕然石只欠班生勒作銘

讀穆天子傳一首

風馬雲車玉女觴知非西母定東王增城已去三青鳥荒服
何來四白狼兒女埋香彈有淚神仙駐景祕無方甫刑刪後
祈招逸外傳分明似武皇

雨後再過崇效寺作

寺有菊花時車馬爭看菊不盡爲花來人多花亦俗或藉宴
賓朋當花陳酒因雜坐僧及伶左右冠帶東轟飲充大戶俚
音奏小曲彼日所見如是我時乘興來興盡歸更速一路替花愁殆
非花所欲是日西風高作雨連夜足晴泥尺許灑街巷眇轉
轂弊居與寺近蠟屐我來復天寒僧漸凍霜重花亦伏不復
見其黃乃惟見其綠雖不見花黃頗能媚幽獨昨日賞花人
誰知葉沃沃

永牀行

北風驅水水不動玉鏡河光連底凍九門曙色一牀飛載得
千家萬家夢舊時烏帽黃塵裏惆悵轆轤知幾許忽然博得
馮夷歡層冰峩峩碾曉寒綠波無影紅塵絕中有雙雙水精
轍非車非馬亦非舟稱爲冰牀當臥遊我無百尺樓頭任牀
上牀下兩何處衝寒自作冰牀行強似雪車聯險句

自題冰牀詩後

彈得冰弦曲詩寒未肯休鮫人綃箔底驢子板橋頭忽作乘
桴想真成下榻留聲疑來萬馬力可挾雙翰玉倚吳宮白銀
憐漢井秋雲車飄若此日御冷難侔列列看城雉盈盈汎斗
牛踰溝三刻迅到岸兩錢酬捷徑分明在勞薪幾度收千卿
復何事春水一池流

柔兆執徐

跋快雪時晴帖戲倣試帖體得書字

夙有臨池興曾窺內史書快哉當雪後時也恰晴初爲想傳
柑後應從訊竹餘恩恩真不暇咄咄彼何如蚓或能憐我鷲
盃肯換渠露垂金翡翠冰泮玉蟾蜍修禊期還早清談迹未
疎硬黃傳舊拓飛白映匡居裏鮓痕猶在飄鸞勢轉虛
宸遊珍古濼片石列軒除

火判官歌

十三鐙已上十四月未圓十五大歡喜擡出火判官判官乃
以黃土搏耳風鼻火春漫漫笙歌叢裏女兒子三朝三暮烟
未寒匆匆缺月收銀盤焦頭爛額與亦闌郭郎鮑老同一酸
熱官爛熟紅塵乾甌破不顧灰死不然一年三百六十夜必
不能夜夜作上元君不見火判官

謁文丞相祠

厓山浪花白燕山血花碧鬼火陰房五百年春風又綠銅駝
陌君不見零丁洋中海水飛又不見萬年枝上挂僧衣六陵
夜月暗於鏡白骨瘦盡冬青肥江潮沉避錢唐弩萬竈貔貅
自歌舞降表纔書謝道清祭文早就王炎午一歌白雁來再
歌朱鳥化擊節參軍如意邊招魂丞相祠堂下風簷曾讀文
山詩蕭條異代不可支手搥芙蓉唱青石曠世之感今視昔
吁嗟黃冠歸未得花外啼鶉關塞黑風沙柴市好名聲香火
泥牆古顏色決皆西峰斜日曛翠旗欲下雲中君千秋願奏
神弦曲恨少彈琴汪水雲

夜半

近市多鐘魚聲聲曳林樾春愁在被池短夢破恍惚搖搖銀

海花峭峭玉山骨窗際微有光不辨雪與月可憐歸飛鶴夜半猶未歇

遲徐朝玉不至

鄉思橋頭水春來碧似紗鯉魚無一字燕子傍誰家遠道淹行李前期訝及瓜比隣知己在無那竟天涯

朝玉所居去余家才數武

隔歲巴山話青鐙占一宵酒聲隨雨瀉花氣得風驕彥會思漁父春愁付洞簫城南望城北冷過百花朝

瘞笛

蓄此笛四年矣雅有雲石之韻墮地繩脫遂折其半既埋之牆陰且倣毛西河水蓋子銘作瘞笛詩

縱二尺餘圍寸許中有宮商角徵羽一朝擲地金石聲雄鳳雌凰不相語憶昔截雲歸笛家一枝吹破江梅花年來與我

周旋久錦囊南北隨詩走既不若筇枝九節化作龍又不若
翟竿七尺垂爲虹紫雲迴奏廣寒殿昭華瑄弄咸陽宮但向
人間傳一曲葦絃霏霏貼寒玉惹得樓中黃鶴飛吟殘水底
蒼龍宿錯來不鑄六州鐵猿臂鶴脰楊柳折合之則美離則
傷兩頭纖纖太愁絕此時無聲憶有聲此物無情卻有情一
丸泥當封嶮谷萬戶侯猶唱渭城可憐黃竹埋黃土響絕音
沉情終古珠墮樓頭玉倚牆夜深誰按霓裳譜

王仲瞿至自河間卽用其去年雨夕見酬詩韻

春來慣聽落花聲我欲言愁始憶卿偶爾驅車五陵道依然
折節兩書生飛蓬身世緣何淺破甑功名夢未成腸斷天涯
芳草色一番消息幾回更

本來紅豆最相思種出東風去較遲笛裏飛殘故園曲袖中

香散隔年詩淹留時物君同感消受風塵我獨知誰遣中間
大如礪迢迢北際與南垂

當時行李舍相傳

平

衰草黏來各一天孺子南州仍作客

譚

朝玉去年與仲瞿同於放榜日出公孫東閣與招賢
都今聞朝玉帶迹閩中不果來矣
問郡酒邊風雨聽如昨別後情懷記不全纔過百花生日日
再無惆悵似今年

回首深宵句鬪誇流光翺似隙馳騶身衣巷口仍飛燕青粉
牆頭又柳花豈有馬羣空北野幾因蝶夢悔南華教坊宮樣
新絲買先織回文寄到家

與沈小如刺史

長春

話舊卽送補官保定

識得吳興沈亞之相逢少似別離時三生舊雨如流水兩點
春星各鬢絲宦海君猶書下考詩城我竟出偏師思量水月

菴中語此意

分明絳蠟知水月禪林在懶眼徧徧

燕草秦桑行

路難有人捧檄渡桑乾燒殘春夢三條燭再踏

紅塵兩室旨

而俱以憂去今小如需次保定巡梅仍謁選人

下坂光陰風物改對牀消息雨聲寒與君折聖論心竟未作

閒愁一倒看

春場結客少年俱手種丁香一樹無海上青蠅重歎息天邊

蒼狗亦須臾

余與小如始訂交於虞丈瞻軒家今虞下世已久而其屋亦再易主矣蒼狗句君當自知之

平心肯作彈棋局回首難尋記事珠一樣蘆溝橋外月折枝

忍唱占驪駒

青墩纔賦寓公篇出見紛華又一年畫餅真成名士誚催租

猶得故人憐

沈松廬觀察以南華橋老屋借居

門前種樹看楊柳天際歸舟

託杜鵑恰與鷗波亭子近幾時來趁釣魚船

白都赴河間雜詩

春老萬花飛春歸客不歸小園啼鳥歇大道柳絲肥舞側山
香帽拋殘宮樣機誰知壓金線不爲嫁裳衣

驢蹇書三紙鼈飢餌一竿回頭借計吏空手誚綱官饒豈紅
綾餅寒猶白紵欄西川留後在能勸主人餐

一尺琉璃水彎環鎖石梁閒行吟岸柳古意滿樓桑帝子金
刀後佳人錦瑟旁三更茆店月聽唱漢中王

南指白溝渡茫茫細草堆兩朝鴻劃處一戰燕飛來蹶向長
平拾圖從督元開迴波尋小憇車馬苦相催

朱履三千客燕雲十六州當年木蘭榭此地蓼花遊車後塵
何限橋邊水自流一盤天上月送我到任邛

歸興空彈缺生涯笑捉刀驪歌三日唱鷓俸一符叨姪女鴉

頭髻琵琶鳳尾槽問渠絃柱裏可有鬱輪袍

王郎題壁處欲唱大江東浪卷千秋白塵消兩袖紅殘碑歌
伎笑羌笛酒人空西抹東塗徧誰知此曲工

見旅蠻有仲瞿
孝廉題念奴嬌

詞一闋
畝工

臥槐圖倡和詩引爲韋靜山別駕

協夢作

河間郡齋西偏有臥槐焉昔爲雷轟今成風景春華
秋實晝聶宵炕於時靜山先生棄半刺之官作數句
之客生鄭草於絳紗帳前種庾蓮於青油幕底仲文
儒雅感搖落於東陽子雲連蹇賦青蔥於玉樹爰吟
五字遂成郢客之歌併寫一圖乃有王郎之筆

仲瞿
寫圖

蓋桓子之十圍卽瞽公之三市也僕蜥蜴行來怵慙
舉子姬隅躍後始得參軍對此守宮況余下第欣然

讀畫率爾操觚昔者王祐發蹟於三株李石徵祥於
七鎮牽牛可見訪卜肆之枯查臥龍有靈傳祠堂之
老柏而乃買山錢少種樹書亾十年之計未成三舍
之陰可惜猶復銜泥巢屋覓句閉門一覺珠簾懷風
前之豆蔻半炊磁枕寫雪裏之芭蕉爲新豐折臂耶
爲彭澤折腰耶爲北窗之籟皇耶爲南陽之管樂耶
此樹固非大安國吾輩終成渴睡漢耳是用攄蓄念
於朽株託深情於豪素潛淵驪夢敢壓元白之詩細
字蠶眠竊附丹青之引

東閣招賢地南柯紀夢人偶吟枯樹賦忽現宰官身張緒三
眠老袁安一徑貧蕭晨開戶嬾青女尙橫陳

絲竹都堂夜高眠定不知疏添石丞畫怨入左司詩風雨摧

殘後烟雲供養時十年春夢覺惆悵杜分司

才大難爲用功成不受償折腰無一飽抱糶且三商似有將軍坐空憐舉子忙經旬看鼠耳鬱鬱晉公堂

冰雪孤根出風塵小劫平萬花黃不埽一院綠無情此樹婆娑意當年霹靂聲丹梯三十級真訝到蓬瀛

樹左設紅梯二承之

書碧血錄後

記明楊左六君子被逮事不著撰人姓名但題燕客二字

鐵鎖風香玉馬飛沙蟲猿鶴黨人碑誰爲孝子忠臣者直到天荒地老時花裏子規啼有血山頭延尉望無期分明大有扶風客橐筆紅塵那得知

古意四首戲寄海珊

一樣吟魂兩樣銷新人咫尺舊人遙爭傳西曲歌中婦未許東風鎖小喬何處然犀求玉鏡又看騎鳳奏瓊簫多時隔著

同年面覓箇癡蟲細細雕

華年錦瑟繡囊空五十朱絃續斷鴻叢菊黃憐他日淚桃花
紅記此門中定知讀易占歸妹不用裁詩費惱公轉爲風娥
思月姊誤人靈藥廣寒宮

居然琴瑟似篋墳謗及歐陽且漫論庭雪解圍吟柳絮江風
打漿見桃根金車憶合春遊隊紺袖猶餘舊唾痕牢記芳名
第三字青谿白石蔣侯門

乘鸞烟霧卷衣裳卻扇重催子夜妝楚國姻緣繩息媯邢侯
眷屬得莊姜相思紅豆生南國獨立佳人自北方絕勝段家
橋畔路竹枝聲唱野鴛鴦

仲瞿再試禮部報罷將歸意不自聊乃乞河間公多作
書致江東諸大夫薦爲醫公既許之而皆余爲屬稿幾

蒙潤區之誦忽憶東坡有言學書者紙費學醫者人費
然則爾我將分任其咎乎相與嗚噓仍爲三絕句解嘲
讀破靈樞一種書杖頭從此挂葫蘆不知被放年年去消得
文園渴也無

不須瑤草勸龍畊何必華芝采鶴齡願得紅紗雙眼豁人間
何處覓空青

折肱可以嚴三點妙手無過溫八又累我封題頻咄咄費人
費紙各擔差

題仲瞿金陵贈謝玉孃詩後

玉女紗窗枕水開夜深燈火下樓臺生憎名士癡無福難得
佳人冷愛才緩帶輕裘誰忍俊亂頭麤服又呼回一聲檀板
千何事莫喚分司御史來

依然王謝姓名香半巷
易衣古夕陽夢好靜堪三日憶情深
遲待十年償贈珠還後吟雙淚獻玉歸來舞一場
牢築詩城千萬雉莫教消息過東牆

九日蒲縈臺

憶昨追涼綠槐夕青蟲飛上鐙花織解衣脫帽未渠央
蒲葵十萬風無力爾時盼秋秋不見誰信秋來剛一箭
髡鵲飛殘寒兔濕初七纔過又月半金風玉露不論錢
滿城雨灑重陽宴悄然昌雨臨高臺心感年光客裏催
若教此雨催作雪又有梅花無數開

明石砭宣撫女士司秦良玉畫像歌

銀鐙夜袞雙寶刀蠻韉十隊芙蓉盛酒酣不作絕纓戲紫電
橫掣將軍袍詰朝殺氣屯四野美人飛上桃花馬白草青燐

古戰場春風一面何人寫匆匆碧海揚黃塵以帚以箸空酸
辛世間不少奇男子天下偏多美婦人凡土官家法調兵急
則以箸曰能飯者畢
至也再急則以
帚曰掃境出也

先祖檢討公嘗作摩訶菴杏花詩都下一時傳誦後山

陽程魚門

晉芳

編修於壬申歲過菴則爲棗花而無杏

樹乃賦一絕感懷近見身程戴菴塘

瑤

太常藤陰雜記

及此事而未錄先祖詩位檢討墨齋遺詩中祇有重過

摩訶菴杏花七律一首殆卽是也一花開謝何關重輕

自經題詠便有情緒旣感家世因賦一篇并補錄前詩

以爲緣起太常助竹垞舊聞慘羅畿垆詩蹟當有取乎

此爾先祖詩云花發誰能認舊枝曲欄深處我曾知二

年蹤迹同遊少三月風光再到遲莫遣壺觴虛後會已

輸蜂蝶識前期
嫣然一樹留人久
又是黃昏欲去時
魚門先生詩云
玉堂仙客題詩處
古剎離離放小紅
三十年來人事改
棗花香細月朦朧

鶯花記得郊西寺
還署摩訶菴
舊字東風撲面詠
花人花落
花開一再至
花下詩成
花外傳
佛對玉堂仙
壺觴裙履
映先後二十四番
三十年年去
年來難駐景
杏花茫茫棗花
冷他年我若訪
摩訶今之視
棗昔視杏